

甘肅青史略

甘肅通志

甘肅青史略卷之七

唐天寶

丙戌

五載春正月以王忠嗣為河西隴右朔方河東節度使

忠嗣仗屬節制萬里天下動

兵重鎮皆在掌握與吐蕃戰於青海積石皆大捷又討吐谷渾虜其全部而歸

丁亥六年春以哥舒翰為大斗軍副使

大斗拔谷在涼州永昌縣西南開元中以赤守捉改大斗軍西接張掖東達

以翰為副使

冬十月將軍董延光攻吐蕃石堡城不克十一月以哥舒翰充隴右節度使

王忠嗣為漢陽太守

忠嗣以部將哥舒翰為大斗軍副使李光弼為河西兵馬使翰光弼皆以勇略為忠嗣所重上欲使忠嗣攻吐蕃石堡城忠嗣

上言石堡險固吐蕃舉國守之非殺數萬人不能克臣恐所得不如所亡不如厲兵秣馬俟其有釁然後取之上意不決將軍董延光請行上命忠嗣分兵助之忠嗣不得已奉詔而不盡如其所欲延光過期不克言忠嗣阻撓軍計上怒敕徵忠嗣入朝委三司鞠之上聞哥舒翰名召見以為隴右節度使貶忠嗣為漢陽太守先是積石軍麥熟吐蕃輒來穫之無能禦者邊人謂之吐蕃麥莊至是翰伏兵於側虜至斷其後夾擊之無得返者自是不來穫

案唐書突騎施本號西突厥其首領有哥舒部氏焉唐有清道率哥舒沮者代居安西生道光後爲安西副都尉生翰翰生子四而曜最著官尙書東都汝州節度使

戊子七載冬十二月哥舒翰築神威軍翰築神威軍吐蕃至擊破之乃更築應龍城於青海中以謫卒二千戍之明年冬青海冰合吐蕃大

至戍者盡沒

案史舒翰爲隴右節度大使築神威軍於青海上由是吐蕃屏跡不敢近青海元和志又有甯遠軍在積石軍西黃河北威勝軍在積石軍西八十里宛肅城金天軍在積石軍西南一百四十里洪濟橋甯武軍在洪濟橋東八十里百谷城曜武軍在廓州南二百里黑峽川皆天寶中哥舒翰置

丑巳八載夏六月隴右節度使哥舒翰攻吐蕃石堡城拔之先是開元二十九年石堡城爲吐蕃所陷董延

光攻之不克至是翰復進攻數日不拔召裨將高秀巖張守瑜欲斬之二人請三日期拔之士卒死者數萬置神武軍於此翰又於赤嶺西開屯田

案元和志西甯縣西南二百八十里石堡山吐蕃於此築城其地道途盤曲其山崖壁峭立吐蕃失而復得守以數百人貯糧食積木石唐兵前後屢攻之不能克哥舒翰始拔其城隋史萬歲石城山詩曰石城門峻誰開關更鼓誤聞風落石宋古骨龍城亦在此

壬辰十一載夏四月以安思順爲朔方節度使初李林甫以陳希烈易制引爲相政事常隨林甫左右晚節遂與林甫爲敵林

甫懼會獻忠叛林甫乃請解朔方節制且
薦河西節度使安思順自代故有是命

己癸十二載秋八月以哥舒翰兼河西節度使

祿山以李林甫狡猾踰已故畏服之及楊國忠爲相視之蔑如也由是有隙國

忠屢言祿山有反狀上不聽隴右節度使哥舒翰擊吐蕃拔洪濟大莫門等城悉收九曲部落國忠欲厚結翰與共排安祿山奏以翰兼河西節度賜爵西平郡王是時中國盛強自安遠門西盡唐境凡萬二千里閭閻相望桑麻翳野天下稱富庶者無如隴右翰每遣使入奏常乘白橐駝日馳五百里

慕壽祺曰以胡人作邊將蓋自太宗始矣阿史那社爾突厥處羅可汗之子

貞觀十年率衆入朝授左驃衛大將軍契苾何力鐵勒莫賀可汗之孫貞觀六年率衆內附擢左領軍將軍有時用以防邊皆以大臣爲使以制之不久任不兼統偏重之勢不聞焉至玄宗天寶時李林甫欲杜邊帥入相之路勸上重用胡人哥舒翰高僊芝封常清輩遂爲諸道節度使並兼要職久於其任精兵萃於西北邊務廣地而不廣德漁陽鞞鼓動地來矣

甲午十三載春三月隴右河西節度使哥舒翰敗吐蕃復河源九曲楊國忠欲厚結翰既以翰兼河

西節度使至是奏請賜爵西平郡王明年春二月翰入朝得疾遂留京師是年十一月安祿山反制太子監國遂以翰為太子前鋒兵馬元帥

乙未十四載冬十一月以郭子儀為靈武太守朔方節度使時安祿山反寇振武子儀遣兵馬使李光弼僕

固懷恩討破之進圖雲中拔馬邑明年秋七月太子至靈武與子儀謀興復

案唐書安思順先為朔方節度使子儀光弼俱為牙門都將二人不相能既而思順誅以子儀代之光弼懼乃入請曰一死固甘請免妻子子儀趨下持手上堂偶坐曰今逆寇倡

亂非公不能東伐豈懷私忿時耶涕泣相勉以忠義遂薦之朝詔命光弼節度河東分兵東討

慕壽祺曰周召夾輔捐棄夙嫌廉藺交歡乃安趙國郭子儀輔相肅宗憑藉朔方兵馬終能恢復兩京為中興第一人者以與李光弼同心滅賊也秦誓曰如有一個臣其心休休

焉其如有容焉子儀其庶幾乎後世國難方殷而彼此各懷私忿視國家大局漠不相關者何古今人之判若天淵耶

丙申十五載肅宗至德元年夏六月辛丑太子次平涼閱監牧馬祿山之亂上皇西幸蜀至馬嵬留太子東討賊募兵朔方

建甯王倓奉太子往朔方郡自奉天而北夕次永壽達新平郡通夜馳三百里至安定郡庚子至烏氏驛彭原太守李遵出迎獻衣及糗糧辛丑至平涼郡閱監牧馬得數萬匹又

得勇士五百
人軍勢稍振

案唐書韋諤傳諤擢御史中丞爲置頓使乘輿將行或曰國忠死不可往蜀諤之河隴或請幸太原朔方涼州或曰如京師雖然不一帝心向蜀未能言諤曰今兵少不能捍賊還京非萬全計不如至扶風徐圖去就帝問於衆衆然之遂至扶風乃決西幸又建甯王倓肅宗第三子也首建靈武之議成中興之業祿山亂典親兵扈車駕度渭百姓遮道留太子太子使喻曰至尊播遷吾可以違左右乎倓進說曰逆胡亂常四海崩分不因人情圖復興雖欲從上入蜀而散關以東非國家有夫大孝莫若安社稷殿下當募豪傑趣河西收牧馬今防邊屯士不下十萬而光弼子儀全軍在河朔與謀興復策之上者廣平王亦贊之於是議定太子北過渭兵仗惡劣士氣崩沮日數十戰師以驍騎數百從每接戰常身先血殷袂不告也太子或過時未食倓輒涕泗不自勝三軍皆屬目太子將至平涼未知所適倓又進說曰殿下昔爲朔方大使歲時致啓倓略識其姓名今河西隴右之衆皆敗降賊父兄子弟皆在賊中朔方道近士馬全盛裴冕衣冠名族必無二心速往就之衆曰善通夜馳三百餘里至彭原太守李遵出迎獻衣及糧糧遂至平涼太子以平涼氣散非用武之地遂募兵於朔方

案陝西通志奉天今陝西乾州永壽本漢漆縣地後周大象元年改曰永壽縣西與邠州接壤新平郡即今邠州注見漢靈帝延熹四年平涼郡治平高屬原州即今鎮原烏氏縣名西漢置即今平涼縣地故墟在彭原東南舊唐書是年改烏氏曰保定縣本漢安定縣地唐爲涇州治所在彭原西一百二十里彭原見至德二載帝如彭原案語內

開元十三年上
之車以麗右
如雲錦今青海
所練馬隊黑白
各以色別殆仿
唐開元使毛
仲之舊法也

慕壽祺曰隋末國馬皆為盜賊戎狄所掠唐初纔得牝牡三千匹於赤澤岸徙之隴右命太僕張萬歲掌之貞觀二十五年太宗次瓦亭觀牧馬玄宗初即位牧馬有二十四萬匹開元十三年冬有馬四十三萬涇渭之間馬大蕃息皆閑廐使王毛仲與其副張景順慘淡經營之所致也至是太子次平涼閱牧監馬中興其有憑藉乎

太子至靈武

初太子至安定郡斬新平太守薛羽保定太守餘毅以其棄郡而無供應故也朔方留後支度副使杜鴻漸六城水陸運使魏少游節度判官崔漪支度

判官崔漪金關內鹽池判官李涵河西行軍司馬裴冕迎太子治兵於朔方庚戌次豐甯見大河之險將保之會天大風遭趨靈武七月辛酉至於靈武壬戌裴冕等請皇太子即

皇帝位甲子即
皇帝位於靈武

案史杜鴻漸聞太子至平涼條士馬倉廩馳使敷奏又發朔方步騎數千於白草頓奉迎留崔少游知留後少游早以吏幹知名乃葺次舍庀資儲備宮室掃除之事少游以太子遠離宮闕初至邊蕃故豐供具以悅之將至靈武少游整騎卒千餘干戈耀日於靈武南界鳴沙縣奉迎備威儀振旅而入太子至靈武殿宇御幄皆象宮闈諸王公主各設本院

飲食進御窮其水陸太子曰我至此本欲成大事安用此為命有司稍去之

慕壽祺曰肅宗至平涼行李倉皇未知所適或謂平涼散地非屯兵之所乃治兵於朔方其至靈武也宰相則有李泌自嵩穎間冒險奔赴行在陳古今成敗之機其稱旨老臣則有楊綰自賊中披榛求食以赴行在顏真卿數遣使以蠟丸書陳事京兆尹崔光遠於京西號召百姓百餘人夜過咸陽遂達靈武大將則有郭子儀李光弼韓游瓌僕固懷恩

衡出公儲國幸
於不父其父趙
有沙邱之變其
臣成兌平之不
可謂無功而後
至於不君其君
唐肅宗流播之
中忱於邪謀遂
成靈武之難有
載而下不能智
辨而此防閑元
順帝至正二十
七年八月太子
奔太原欲援唐
宗靈武故事自
不從事遂寢靈
武事在襄陽靈
北三里舊屬靈
武郡實早記靈
州有靈武臺在
焉靈北即此

北收諸城兵西發河隴勁騎南向以定中原親屬則有廣平王叔建甯王倓延王玢奔走
微邊患難與同臣工則有監察御史李勉校書郎杜亞以及蘇震等之馳及行在衆所歸
往是謂之王時則未即皇帝位也而
飛龍靈武收復兩京已基於是矣

秋七月甲子太子即位於靈武尊帝爲上皇天帝以裴冕同平章事初裴冕杜鴻漸等從容進

曰今寇逆亂常毒流函谷主上侮勤大位移幸蜀山川江山阻險奏請路絕宗社神器須有
所歸萬姓顛顛思崇明聖天意人事不可固違伏願殿下順其樂推以安社稷王者之大
孝也上曰俟平寇逆奉迎靈武從容儲閣侍膳左右豈不樂哉公等何急也已而廣平王
俶太尉光弼司徒子儀尚書左僕射冕兵部尚書輔國與北軍將士西土耆耆萬五千人
排闥以訴辭情激切凡六
上箋太子不獲已乃從

案靈武漢縣在甯夏府西北地理志唐天寶初改靈武郡又甯夏府南六十里有靈武鎮
亦唐置輿地廣記回樂縣在靈州故城之內唐肅宗即位於此明李夢陽詩有環縣城
東靈武臺之句說者謂即肅宗即位處惟環縣
至靈州尙隔三百餘里二說不同留以待考

慕壽祺曰安祿山之亂兩京殄覆九土分崩神州成解髮之鄉大地爲腥血所染干戈日
用車轂雷鳴猶逐鹿之並驅賦瞻烏之靡定當是時唐之天下其不絕矣一線耳肅宗即
位靈武傾已招求冀匡不逮郭子儀帥朔方之兵
終能光復故物則是靈武一隅其中興之基礎乎

肅宗即位靈武
近於靈武
知人善任則有
張巡之將略李
儀為之謀猷贊
泌為之謀猷贊
襄故能克復西
京而唐之金甌
得以復完者將
相得人故也
至德二載西京
克復李泌還衡
山

李泌

字長源魏柱
國弼六世孫

至靈武

初京兆李泌幼以才敏著聞玄宗欲官之不可使與太子為布衣交楊國忠惡之奏徙斬春後隱居潁陽上自馬嵬遣使召之

謁見於靈武上大喜出則聯轡寢則對榻如為太子時事無大小皆咨之言無不從上欲以泌為右相泌固辭曰陛下待以賓友則貴於宰相矣何必屈其志上乃止

慕壽祺曰自古內無良相而大將能成功於外者未之有也當是時上皇遠在成都張良娣近在宮闈郭子儀雖為兵馬大元帥而軍國大事倘無人主持則兩京之恢復未知其

在何日也孟子曰有安社稷臣者其李泌之謂歟

安祿山遣高嵩使河隴大震關使郭英乂誅之

祿山遣其將高嵩以救書縉綵誘河隴將士英乂斬之時賊據長安知肅

宗治兵河西三輔百姓皆曰吾太子大軍即至賊望西北塵起有時奔走

案陝西通志大震關後周置李吉甫云漢武至此遇雷震因名一統志大震關即隴關在陝西鳳翔府隴州西南七十二里有舊故關新故關俱屬故關大寨巡檢司按唐志沂源

縣西有安夷關在隴山本大震關大中間防禦使薛遠徙築更名疑即新舊二關也

慕壽祺曰萬物發生於東南而收成於西北故自古得天下者必先取得甘肅而後東向以定中原此勢之所必然也祿山胡奴豈足語此當是時漁陽鼙鼓動地飛來凝碧管絃

終日宴飲不急遣兵圖隴右徒以一紙偽敕書欲邊帥服從可謂癡人也已矣

河西安西皆遣兵詣靈武

上命河西節度副使李嗣業將兵五千赴行在又徵兵於安西行軍司馬李棲筠發兵七千勵以忠義而遣之

秋八月壬午朔以郭子儀為兵部尚書依前靈州大都督府長史

子儀將兵五萬自河北至靈武

朔方軍威始盛有興復之望矣八月壬午以子儀為兵部尚書李光弼麾下精兵亦來朔方上又以朔方度支副使大理司直杜鴻漸為兵部郎中朔方節度判官以河西兵馬使

周仇為河西節度使以隴右兵馬使彭元暉為隴右節度使以隴右節度使郭英父為天水郡太守

慕壽祺曰肅宗至靈武遣衛尉少卿募兵綏銀闕旬得衆數萬無人以總其權猶是一盤散沙耳夫唐都西京則朔方乃國之北門又為天下勁兵叢聚之處今以子儀為兵部尚書回紇內附吐蕃請和四方諸侯聞風響應以之激發忠義收拾河山安史不足屠也然則拒賊以俟興復者其在擇任將帥哉

九月上皇遣使奉冊寶如靈武

先是八月間上皇以豐王珙為武威郡都督領河西隴右安西北庭等路節度大使旋聞太子即位靈武命文

書部房瑁與左相韋見素門下侍郎崔渙等齎遜位詔奉使靈武冊立肅宗並述所以傳付之意素等至奉上冊寶上不肯受曰比以中原未靖權總百官豈取乘危遽為傳襲羣

臣固請上不許置於別殿朝夕事之如定省之禮

案史玄宗名隆基太極元年八月奉宗傳位於帝帝在位四十三年改元三曰先天曰開元曰天寶開元之始比隆貞觀至天寶末帝倦於勤任用楊國忠以致祿山犯闕倉皇出

奔太子至靈武卽位是爲肅宗尊帝爲上皇天帝上皇在成都聞太子卽位遣使奉冊寶如靈武兩京收復上皇同長安居南內政事聽肅宗處分

冬十月回紇遣葛邏支將兵入援十一月與郭子儀合擊同羅破之上雖用朔方之衆欲借兵

於外夷以張軍勢以幽王守禮之子承宗爲敦煌王與僕固懷恩使回紇以請兵又發拔汗那兵且使轉諭城郭許以厚賞使從安西兵入援與子儀合擊同羅初同羅從祿山反者屯長安苑中其酋長阿史那從禮帥五千騎竊廐馬二千匹逃歸朔方謀邀結諸胡盜據邊地上遣使宣慰之降者甚衆至是說誘九姓六州諸胡數萬將寇朔方上命郭子儀詣天德軍發兵討之左武鋒使僕固懷恩之子牙兵敗降虜旣而逃歸懷恩斬之將士股栗無不一當百遂破同羅至是子儀與回紇合擊同羅又破之

案唐書回鶻列傳同羅在薛延陀北多覽葛之東距京師七千里而羸勝兵三萬貞觀二年遣使者入朝久之請內屬置龜林都督府拜酋俟利發時健啜爲左領軍大將軍卽授都督安祿山反劫其兵用之號曳落河者也曳落河猶言健兒云

祿山之亂肅宗卽位靈武不遑駕川西而汲汲約同紇以取長安殆只爲一身計耳其與回紇約曰克城之日土地士庶歸唐金帛子女歸回紇傷天和而爲民盜賊亦烏用膺茲大寶爲哉結突厥以邀天功高祖之所以有唐也母亦詒謀之未善與廣平親拜葉護求緩西京俘掠當時百姓夾道歡呼哀已

慕壽祺曰古之聖王皆不願受夷狄之惠蓋預憂其求請無厭終爲後患故也回紇居西域雖有可汗之號終無過人之才比之突厥吐蕃瞠乎後矣肅宗卽位靈武欲經略兩京

彭原麻舍狹隘
上與張良姊陰
打子聲聞於外
李泌言諸軍奏
報停樂上乃潛
令刻乾樹難爲
于不欲有聲乾
樹難著高梁桿
也疑陽董志原
西峯鎮多種之
又名玉蜀黍

遣使乞回紇兵以平內難回紇因之入中國
自謂有德惠於唐無厭之求不知何以抑之

十二月吐蕃陷威戎等軍

吐蕃以唐室之亂潛師入寇攻陷威戎神威定戎宣威制勝金天天成等軍石堡百谷雕窠諸城明年又陷西平城

案威戎軍在西甯大通縣西北唐開元二十六年杜希望置寶應初陷於吐蕃舊志云在西甯府城西北三百五十里又有白水軍在大通縣南唐開元五年郭知運置元和志在鄯州西北二

百三十里

帝如彭原

時上皇以李麟同平章事命崔圓赴彭原帝亦駐蹕於此

案一統志甯州本公劉故都隋爲北地郡唐改爲甯州又置彭原郡後廢爲彭原驛甯州志彭原驛在甯州南關明洪武三年置倉卽左右廂萬歷三年知州馬彥卿增修吏目成尙德監修彭原遞運所在甯州西關洪武二十八年置

又案甯州彭原郡本漢北地郡唐玄宗天寶元年更名土貢五色覆鞍氍龍鬚席莞青亭長菴蘭假蘇戶三萬七千一百二十一口二十二萬四千八百三十七縣五曰定安曰真

甯曰襄樂曰彭原曰定平

肅宗丁至德二載春正月上皇以李麟同平章事命崔圓赴彭原帝辛保定

上聞

安西北庭及拔汗那大食
諸國兵至涼鄯乃幸保定

案保定即安定漢縣

武帝元鼎三年置

屬安定郡其地在今鎮原縣東南元和志安

定故城在臨涇縣

今鎮原縣

後漢省東晉復置為安定郡後魏

神鼎三年

改置涇州因

水為名唐武德初平薛仁果復改為安定縣為涇州治所至德中惡安祿山

更名保定貞元七年涇原節度使劉昌築保定城捍青石嶺十年又請於臨

涇界保定城置陰盤縣即其地也金又改涇川縣今因之

唐玄宗天寶十五載太子至烏氏彭原太守李遵出迎海陵本釋文曰是年

改烏氏為保定考舊唐書烏氏驛名新唐志保定本漢安定縣唐為涇州治

所在彭原西一百二十里保定縣雖是年更名然非烏氏地海陵本誤解餘

見第一卷光武建武元年安定註

時李光弼裨校
李抱玉本武威
安與貴會孫祿
山之亂抱玉上
言世居涼州恥
與逆臣共宗詔
賜姓李後封樂
城縣公司空兼
兵部尚書
宋王庶慶陽人
崇甯間進士第
知涇州保定縣
是保定名稱宋
時尚存

至德二載杜甫
自西京金光門
出問道至鳳翔
著麻鞋見天子
肅宗駐蹕鳳
翔之時乎

慕壽祺曰語云破壞易建設難信哉憶自天寶之亂賊陷兩京肅宗馬嵬請

留靈武卽位後由靈武而彭原而保定時則涼鄯之兵猶未至也是年二月

由保定至鳳翔甫旬日大兵雲集江淮庸調亦至長安然猶遲至九月廣平

王俶郭子儀始收復西京冬十月肅宗由鳳翔入長安滿目荒涼有今昔之

感矣

河西節度使孟庭倫殺其節度使周僖以武威郡叛

庭倫結連武威郡九姓商胡安門物等叛殺節度使周僖

判官崔稱率衆討平之二月文城太守
武威郡九姓齊莊又破賊五千餘衆

夏五月以武部侍郎杜鴻漸爲河西節度使

秋七月吐火羅葉護烏利多並九國首領來朝助國討賊上令赴朔方行營

冬十二月左僕射朔方節度使郭子儀加司徒進封代國公以李嗣業爲前軍

朔方河西隴右節度使

大赦靈武

以卽位靈武故

案慶陽府志靈武去郡二百里去環縣里許卽古環州漢置縣屬北地郡唐肅宗卽位靈武卽此地也李夢陽詩環縣城東靈武臺明時遺址尙存至成化六年套虜數入侵掠以無城故馬文升命同知薛祿修城周二里有奇輿地廣記靈州故城之內有同樂廢縣天寶十五載太子卽位於靈武卽此旁有靈武臺

戊戌乾元元年吐蕃陷河源軍

高宗儀鳳二年置河源軍在郡城西六十里其地有臨蕃城爲吐蕃所陷

冬十一月己亥朔方行營節度僕固懷恩爲朔方河北副元帥

郭子儀以懷恩有平河朔功故以副

元帥讓之

己亥二年十一月御史大夫賀蘭進明貶秦州司馬

是歲置邠甯節度使

領州九邠甯慶涇原鄜坊丹延等處

庚子三年春正月以朔方節度使郭子儀兼邠甯鄜坊兩道節度使

廓州在今青海
貴德縣境

夏閏四月制彭王僅爲河西節度大使涇王佺隴右節度大使蜀王傀邠甯節

度大使

庚子 上元元年吐蕃陷廓岷等州

初太宗平薛仁果得隴上地虜李軌得涼州破吐谷渾高昌開四鎮玄宗繼收黃河磧石宛秀等軍中國無斥

候警者幾四十年輪臺伊吾屯田禾菽彌望開遠門揭候署曰西極道九千九百九十里示成人無萬里行也而安祿山亂哥舒翰悉河隴兵東守潼關而諸將各以所鎮兵討難始號行營邊候空虛故吐蕃得乘隙暴掠至是取廓霸岷等州及河源莫門軍

慕壽祺曰廓州爲西甯門戶地鄰大小峽界分上下川皆捍禦西陲控扼要路故守蘭州不如守廓州今一疎虞戎人擣虛占我防地是傳虎以翼資寇以兵門戶洞開胡馬馳驅直入無人之路西走甘涼南犯岷州俱孤立難守哥舒翰若在必能制其野心不敢過臨洮而牧馬矣

六月鳳翔節度使崔光遠及羌渾黨項戰於涇隴敗之

辛丑 二年夏六月以李鼎爲鄯州刺史兼隴右節度營田等事

秋八月吐蕃陷武都合川懷道等郡

祿山之亂吐蕃陷威戎河源等軍而鄯州西平郡因以不守河西甘涼肅瓜沙以及伊西等州